

Билгтә - эрдмтә күүкд

Мана хальмг келн-әмтнә ду-бингын ансамбль бурдх ток-тавр гархла, ансамблин Өмн ик түрмшг харгъв. Урднь көдлдж йовсн артистнрәс цөб-ки улс үлдсн деерән, сүүлин 14-15 джилд талдан көдлмш кегъад йовсн учрар, хәрү ансамблур кун ирсн уга.

Ансамблин дирекц болн художественн гардач билгтә-эрдмтә улсиг багъчуд дундас олхмн гидж шиидв.

Хойрдгч номертә тосхлтин участкал көдлг, Элст балгъс-на культурин Герин художественн самодеятельностьд оньчта орлцг Тоташова Мария, Канск балгъсид гидролизин заводт технолог көдлджәсн Бембетова Лидия, „15 лет ВЛКСМ“ нертә санаторийд официантк көдлджәсн Букаева Зоя ахта күүкд манур ирдж, ансамбльд көдлх дуртавлн—гицхәв.

Лидия Кулешова, София Балакаева, Белла Болдырева—эдн арвдгч класс төгсәчкәд, институтд орхар белдджәсн бәәддж. Болв ансамбль бурд-сиг сонъсчкәд—бас манур ирцхәв.

Өдр ирвәс, цаг давбас тедн дасхджасн тоотд сүзгән Өгч, арднъ ордж, улм шувдж, седк-клән Өгч дасцхав.

Теднд кунд болад, зәрмдән хооран цухрхар седхләг, би дуудж авад, заагъад, закрад, сүв-селвгән Өгдг биләв. Би чигн сцен деер генткн гарсн уга биләв, художественн самодеятельностьд орлцад, кесг джилин туршарт бийән белдчкәд—тиигәд оч олн-әмтнә Өмн гарлав—гидж келхлә күүкд ик оньчтагъар сонъсдг, мини келсиг меддг билә.

Аш сүүлднъ түрүн концерт узұл болввдн. Алдр Октябрин 40-ч джилин Өбн укт-джах сән Өдр билә. Театрт ирсн әмтн йир олн. Цуг күүк-дәс Лидия Кулешова болн Лидия Бембетова хойр икәр аәмсджәнә. Негнъ— „Бумбин орн“ гидг ду, наадкнъ „Коо-ку“ гидг ду эклдж дуулхмн билә.

Көшг секгдв. Зал алых та-шлгънас күрджнәнәд бәәнә. Иим седкләр тосджах әмтнә күслиг бидн байрлулх зөв-тәвдн.

Кесг зун джилин туршарт Күслм бидн Бумб билә, Маниг Ленин, Коммуна партъ

Мандлгсн Бумбд күрглә,
—гисн үгмүд,

ән дууна сәәхн айс, залд суусн кун болгъна зүрк эз-лдж, ик байрар чеедж дуур-гв. Наадк чигн ду-би цуг әмтсд таасгдв.

Иигдж мана ансамбль уудв.

Ансамбльла хамдан билгтә-эрдмтә шин нерцүд, шин артистнр гарцхав. Минигәр болхла, Лидия Кулешова Өдр болгән дуугъан ясад бәәх зөвтә, юнъгад гихлә, ән күүкн сән артистк болдж гархмн. Лидия Бембетова чигн му биш айта дуута, болв билг-эрдмән цуцрлтан угагъар эс Өбдлүлхлә—диилвр бийнә ирш уга. Ансамбльд бәәх цуг багъчуд билгин сән медрләр бийсән агсх зөвтә.

Би, эднә экч, чидл-кучән, билг-эрдмән нөл уга дөнъ-нө-кд болнав. Манд билгтә-эрдм-тә, сәәнәр дуудлг болн бицл-дг артистнр кергтә.

Улан ЛИДЖИЕВА,
Заслуженн артистк.